

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 9. De gloriose Sancto Josepho, Sponso Beatissimæ Virgisnis, déque
magna ipsius sanctitate.

urn:nbn:de:hbz:466:1-38580

ta, nolens ipsis loqui, gloria sancta Anna mihi dixit: Dominus me ad te mitrit, ut te visitem, dicamque tibi, pertinuisse ad singulare ipsius obsequium id, quod praestisti, procurando Festum mei Conjugis, qui est magnus in Regno celorum. Ego habui maximam gloriam accidentalem, & gaudium in ejus Feste. Considera, quid velis a me fieri in tua gratiam. Cui ego re-

spondi: Mea Domina, nihil peto, nisi ut roges Dominum, quo mihi det suum lumen, pro cognoscendis ipsius veritatibus, ut me conformem in omnibus sanctissimae ejus voluntati. Tunc mihi Sancti promiserunt, quod me essent adjuturi, & discernerunt.

CAPUT IX.

De Glorioso Sancto Josepho, Sponso Beatissimæ Virginis, deque magna ipsius Sanctitate.

§. I.

Cum vacarem orationi in Feste Sancti Josephi, videlicet coram me Christum Dominum, ejusdemque lateri adstantem gloriosum sanctum Josephum, aperto capite, cum magna humilitate, ute pote coram Majestate tanti Domini. Habebat vestitum honestum, & perelegantem, vultus ipsius erat mirè modestus & gravis, in quo præferebat magnam manuetudinem & sanctitatem: apparebat esse maturæ aetatis, quasi quadragenarius, habebatque baculum aureum. Aspergit illum Christus Dominus vultu amoenissimo, dixitque mihi cum ingenti gusto: Ecce iste est meus Pater, & is, quem eo loco habebam in terra; quid tibi de illo videtur? Ego ipsum intuebar & recreabar, mirabärque me videre sanctitatem, quam demonstrabat, & multò magis, quod viderem estimationem, & venerationem, ac amorem, quo, pro nostro exemplo, Christus Dominus se prosequi ostendebat istum gloriosum Sanctum, eò quod ipsum educavisset, eique servivisset Infanti. Hoc enim significabat ille gustus, quo illum sibi habebat adstantem, mihi que eo modo, sed absque comparatione longè meliore, spectandum exhibebat, quo nobilis quispiam magni alicujus Principis filius, quem

educavisset vir honoratus & bonæ conditionis, quamvis pauper, lactavissetq; ipsius conjunx, & ille deinde sustentavisset, cum labore ac sudore sui vultus, se gratum exhiberet tali viro, eundemque aestimaret; quod fuisset quasi educator illius, ac nutritius; & videns ipsum domi suæ, post relatas ei gratias, compensatamque eam educationem, diceret suis domesticis, volens illum commendare, honorare & laudare: Videte mei famuli, iste est meus Pater, qui me educavit, quid vobis videtur? Honorate illum, & servite ei, ut tali. Dum ipsum ita contemplarer, videreturque mihi etiā eximius esse illius honor, quod habuerit Sponsam sanctissimam Virginem & Matrem JESU Christi, DEI & Hominis veri, dixi ipsi: Verè, gloriose Sancte, fuit tibi præstata major gratia & favor in eo, quam fuerit præstitus, aut sit præstandus unquam ulli virorum in terra; siquidem tibi est data in Sponsam mulier optima & sanctissima, atque excellentissima omniū quas habuit, aut habiturus est unquam mundus, quamvis universarum simul sanctitas in hunc censem veniret. Potes te aestimare felicem ac beatum. His auditis, quæ dixeram, gloriosus sanctus composuit suas manus, fixisque humi genibus, dixit cum magna humilitate, & aestimatione hujus gratiæ, quam illi DEUS contulit: Ita, omnino est, & ita esse agnosco. Deinde se erexit, constitutque ad unum la-

rus Christi Domini, qui etiam stabat, & ego stipabam alterum latus, atque Divina Majestas imposuit suam sanctissimam manum meo capiti, sicut solet imponere manum Sacerdos, quando recitat Evangelii super infirmum, tenuitque illam ita aliquamdiu. Sed dæmon, eâ re exacerbatus, protulit quandam blasphemiam, & contumeliam tam magnam coram Christo Domino, & sancto Josepho, ut me notabiliter afflixerit, ac turbaverit. Videbar enim mihi libentiū toleratura qualecūq; tormentum, quām ut audirem tam præsumptuosum dictum. Et cùm Divina Majestas videret me esse turbatam, propter blasphemiam dæmonis, elevavit fuos oculos, ac aspexi ipsum, qui stabat aliquantum remotus ad portam cubiculi, fuitque is aspectus tam severus, ac tantam indicans indignationem, ut nemo esset, quem Divina Majestas intueretur ijs oculis, quin contremiseret, ac desideraret potius absorberi à terra, quām coram ipso compārere. Unde in momento aufugiebat diabolus, ac ejulabat tam lamentabiliter & dolenter instar canis, pessimè habiti, cuique confractæ suisent & concussæ costæ fustibus, ut propterea sine fine ulularct. Gloriosus sanctus Josephus me est solatus, dicendo mihi: Noli id ægrè ferre, nec te afflige, hæc enim est conditio diaboli, ut semper conetur vexare, ac turbare animas. Etiam me est persequutus per Herodem. Quin & Christum Dominum est ausus aggredi in deserto, nè doleas. Ità fui exhilarata, & recreata. Cùmque essem quietior, expendi terribilem severitatem, quā Christus Dominus intuitus fuerat dæmonem, & oculos in illum conjecerat, atque consternata eâ ipsis Majestate, ac infinitâ potentia, quæ in illo intuitu se prodebat, incipi miseris illis compati, eorumque vices dolere, quibus propter ipsorum malitiam & cœcitatorem idem intuitus allaturus esset tantum dolorem & confusionem; unaq; aspiciebam Dominum, quasi visura, anjam esset placatus; quamvis enim indigaretur diabolo, videbatur tamen illa ipsius magna severitas, etiam mihi incutere terrorem. Adhuc Christus Dominus

& gloriosus sanctus Josephus aliquamdiu manserunt apud me, pro meo solatio. Cùmque se verterent ad abeundum, quia ego nihilominus eram aliquantum tritus, eo quod me ita turbavisset diabolus, Christus Dominus id videns, mihi dixit permanter: Nè maneas adeò desolata, veni nunc nobiscum. Et hoc dicto discessit. Tum ego me reperi in Collo coram Divina Majestate, & gloriose illo sancto quietam & pacatam, ac oblitam illius præterite turbationis, nec non mei ipsius, ita ut non intelligerem, neque sentirem quidquam eorum, quæ sunt præsentis vitæ, amarem vero tranquillè & quietè, ac sine contradicione D E U M; & Bonum infinitum, ac essem soluta & libera à carne mortali, atq; à carcere corporis hujus. Quanto tempore id duraverit, nescirem dicere, venum ut mihi videtur, non duravit diu.

§. II.

A Liâ vice, pridie Festi, quo hic Sanctus colitur (anno 1614.) dum decubere a grata in lecto, venit mihi in mentem, quod in supplicatione, qua instituit in ista Civitate, soleant portare effigie Sancti Josephi, ducentis parvulum JESUM, eo modo, quo illum duxit inventum in Templo, quando revertebatur in Nazareth; & invasit me desiderium, vindicandæ illius imaginis, quod, ut videtur, non contigit abfique motu Divino; subito enim audiui vocem ejusdem Sancti dicens: siquidem optas videre meam imaginem, ego te invisam. Potridie mane, cùm perageretur Sacrificium Missæ in Oratione, ut sumerem sacram Eucharistiam, conspexi gloriosum sanctum Josephum, juxta altare, ad latus Epistolæ, atque parvulum JESUM speciosissimum, supra eandem aram. Et quia vehementer agebar propter defectum, quem à me estimabam esse commissum præterlapsi nocte, ob reprehensam quandam meam sociam, dixit sanctissimus Puer sancto Josepho, quasi subridendo: Sed quare illa angitur propter suos defectus, quasi ego alios curarem; si enim aliquid accidit, id orum

ortum est ex ipsius natura. Et verò ita se res habet, nam ea illius reprehensio, fuit coniuncta sancto Zelo, & si quid se admisit, attribuendum est disperdientie, ad quam naturaliter inducebat is defectus. Post hoc, quando Sacerdos tulit Augustissimum Sacramentum in sua patena ex Altari ad meum lectum, venit una cum ipso Gloriosus Sanctus Josephus, & procubuit in genua, juxta lectum, Puer autem JESUS stetit prope me, donec communicarem, dixitq; mihi, ut DEO commendarem Regna Angliae & Galliae. Verum ego nihilominus me vehementer cogebam, ne aspicerent Puerum JESUM, quia potius optabam, me internè colligere cum Sanctissimo Sacramento. Tunc mihi sanctus Puer dixit: Quare hoc facis? nonne scis, me posse existere in pluribus locis, sicut sum in pluribus Hostijs consecratis, & in tuo pectore, atque etiam hic? Si Sacerdos, qui celebravit Sacrum, tibi velit aliquid dicere, tametsi communicaveris, audis ipsum, & respondes illi; cur ergo ad id non attendas, quod ego tibi loquor? Hoc dicto, Dominus, quia cognoverat Fidem, ex qua meum illud desiderium procedebat, videri desit, atque ego me collegi, quemadmodum optaveram.

S. III.
A Lio Festo sancti Josephi (anno 1618) Me visitavit sacratissima Virgo cum suo sancto Sponso, dixitque mihi: Vides hic virum sanctissimum & felicissimum omnium, qui sunt in Cœlo; eò quod ipsi DEUS confidet suum Filium, ut illum educaret, & me ejus Matrem. Sanctus est humiliter protestatus, totum id sibi datum fuisse absque suis meritis. Et ego ab illo aliquid petivi, quod tum desiderabam, & dixi: Benedic sancte, cùm perspectam habeas puritatem hujus Dominae; roga DEUM, ut declaretur mysterium ipsius purissimæ Conceptionis. Responditque Sanctus: Quamvis DEUS sit Omnipotens, requiri tamen dispositionem ex parte suarum creaturarum, faciam nihilominus, quod mihi dicas. Dum vellet q;

bire, accessit ad me, dicendo mihi: Suscipe Soror hoc, quod confortabit tuum spiritum, & corpus in cruciatibus, quos patris. Ferebat autem intra digitos frustulam pateris, qui supernè habebat aureas strias. Ego illum nolebam suscipere, sed Sanctus ipsum applicuit meo ori, quem in momento, licet non fuerit ingressus in os, nec illum masticaverim, sensi intra stomachum, sicut sentio qualemcumque cibum, quem comedo. Fui eā re turbata, & dixi Beatæ Virginis: Domina mea, quid est hoc? Respondit mihi: Panis iste est ex illo, quo vescebat meus Filius in nostra Domina Nazarethana; dum esset parvus. Tum ego aiebam intra me: Quomodo autem id potest esse? Et Beatissima Virgo dixit, quasi me increpando: Nonne Icis, DEUM esse Omnipotentem, & posse facere majoribus, ac dare, quandoeunque vult, deo pane? Post hoc dixi meis sanctis Angelis: Hodie erat dies Communionis, non potero communicare, eo quod habeam istam particulam panis intra me, qui statim responderunt: Ille non impedit Communionem, quia introgressus est arcano modo, & tu ipsum non comedisti.

S. IV.
Quod ad hanc revelationem attinet, adverendum est, ita intelligendam esse, ut, si elle panis non fuit mysticus, sed verus, sicut dicit Beatissima Virgo, non existimat fuisse panis, ex eo tempore hucusque conservatus, sed reproductus à Divina Omnipotenti, à qua potest reproduci qualemcumque, & quando libet.

A Lio die sancti Josephi, mihi agenti acut DEO, spectabilis adfuit sanctus Patriarcha, & ego propter meos timores diu sum contata me abstrahere ab eo aspiciendo. Sanctus me expectavit, quoad usque non possent amplius abstinere ab illo: videndo, & gererque frui sancta ipsius conuersatione. Veriebat nitidissime ornatus, pro more illius temporis, eratque gravissimus, & illuminata a DEO, cognovit meritum eximiarum ejus virtutum, ac præstantiam intellectus, quo fuerat præditus

ditus, ut ipsum magni facerem, ac aestimarem. Et dixi intrâ me: Quantus sanctus erat iste Patriarcha, & erat faber lignarius! Sanctus autem valde graviter & benignè respondit meæ cogitationi, ac dixit: Verum est, me fuisse, qualem me vocas; sed DEUS me dotavit magnâ habilitate ac præstanti intellectu, unde egregiè excellebam in arte, & conficiebam quædam opera, non multa, sed exquisita & præclara, quorum pretio sustentabam Dominum, & sanctissimam ipsius Matrem, quod ipsum Divina Majestas adeo augebat, ut, licet me non magnopere occuparem labore, haberem tamen necessaria pro sustentatione. Scias præterea, nostram paupertatem non fuisse vilem, neque miserabilem, sed honoratam. Habebam pauca, decentia tamen statum nostrum, & pro more illius seculi; atque hunc in modum ipsos sustentavi, quoad vixi. Mea vero Domina ac Spona etiam laborabat, & conficiebat quædam pretiosa opera, texta ex arte conueta fæminis, quibus distinebatur cum magna pace, quiete, & gravitate. Contulerat mihi quoque Dominus insignem notitiam sacrarum Scripturarum ac Prophetiarum, & cognovi omnia, quæ erant eventura Redemptori, unâque Crucem, quam animo suo obversantem habuit ab ipso suæ Conceptionis instanti: eandemque & ego præsentem habebam, & hæc mihi ita penetrabat animam, ut, cùm tenerem in meis indignis brachijs illum sanctissimum Dominum, sæpè mihi acciderit consideranti, quid esset passurus, ut sacras ipsius vestes copiosis perfunderem lachrymis. Alias vero, dum eum stringerm meis brachijs, calefaciebam frigido tempore sacratissimas illius manus, halitu mei oris. Taliter, Anima, se res habebant. Hoc dicto, admovit manum uni lateri, & exēmerat latum torque, cui erant appensum humeri aurei, referentes exactissime expressæ mysteria vitæ ac mortis JESU Christi Domini nostri, modo quodam admirabili & vivaci; injectaque illum suo collo. Postea vidi in ejus pectore Crucem ex purissimo auro, cuius longitudo exæquabat quadrantem ulnae, atque in illa figuræ quasdam o-

vales, in quibus erant designata mysteria mortis JESU Christi Domini nostri elegans, quam in torque, videbaturq; illic adesse virtus ipsiusmet DEI magis, quam in torque. Summus fuit splendor radiorum & lucis, atq; claritatis, quam ex se illa Crux emittebat: unde Sanctus ita evadet a speciosus, adeoque exornabatur, ut obstupescerim viso tali mysterio. Interea se Sanctus incepit movere, mihi que appropinquare. Hic coepi denuò timere ac turbari: Sanctus tamen ad me accessit, depenensque suum torque, circuimedit illo meum collum, dicendo: Accipe, Anima, ex mea manu, atque in nomine Domini, ista cimelia. Et crucem applicuit meopeatori, quæ penetravit meum corpus, non absque dolore, & pervenit usque ad animam, ibique me intimè pervasit, nec illam amplius vidi. Hoc facto à me discessit, data mihi suâ benedictione.

§. V.

Aliam admirabilorem apparitionem Gloriosi Sancti, aperientu ipsi periculum statum mundi, habuit similem illi, in qua, ut dictum est, spectabilis illi adfuit Sanctus Joachimus. Alio die, inquit, Sancti Josephi, agens cum Domino, vidi hunc Sanctum Patriarcham venientem ad me visitandam. Ducebat manu Puerum JESUM, quasi in ætate duorum circiter annorum, qui elevavit caput, intuendo sanctum Patriarcham, dixitque illi: Mi Pater, sum vehementer fatigatus. Quod bis, terve repetivit. Sanctus illum interrogavit, quare esset fatigatus? Puer autem idem iterabat. Tum Sanctus Joseph suscitavit, quem alioquebatur verbis tenerrimis, apprehensusque in manu pedibus ipsius, dicebat illi: Mi DEUS, & Domine mi, ac sanctissimi pedes, qui nostri causâ vulnerandi sunt, & conclavandi. Atque arreptâ una factissimarū ejus manuum (nam altera strinquebat collum Sancti) osculabatur illam, & applicabat ad suam faciem, alloquendo ipsum blandissimè & amantisimè. Inter

hac

hæc sanctissimus Puer obdormivit acclinato capite ad Sanctum, ac plurimi Angeli, qui aderant, & cum ipso venerunt, ad moverunt digitos ori, dicendo: Dominus dormit, silentium; nemo illum excitet. Dum ego stuporem & mirarer, videns hoc mysterium, convertit se ad me sanctus Josephus, dixitque mihi: Dominus dormit, roga illum, nè expurgescatur, hoc enim expediat, indicando mihi, peccatis Regnum & Civitatum provocari Dominum, & exsuscitari ad exercendam suam justitiam, qui nunc dormit in sua misericordia, id eoque dicebat: Roga Dominum, ut dormiat in sua misericordia. Unde ego afflicta converti me ad Dominum IESUM nostrum, ac deprecata sum ipsum, quām optimè potui, ut misereretur Populi Christiani, & suæ Ecclesiæ, propter merita hujus gloriosi Patriarchæ Sancti Josephi. Sanctus autem mihi dixit: Adhuc aliquid aliud est, quod te oportet dicere. Cumque ego interrogarem, quid esset? dixit Sanctus: Adde; & propter merita Sanctissimæ Virginis MARIAE, atque propter IESUM Christum Dominum Nostrum, & ejus mortem, ac sanguinem, quem effudit pro nobis. Feci, quod jubebat à sancto, & impendi huic orationi multū temporis, petendo id à Patre Aeterno. Tum conspexi in Divino ipsius

peccatore sanctissimam Humanitatem JE-
SU Christi Domini Nostri, & Divinam,
ejusdem Personam, ac modum, quo hic
illius Filius procedit à suo sanctissimo Pa-
tre ab æterno, per Divinam generationem,
vidique, quomodo Pater æternus illum a-
maret, ac à Filio amaretur vicissim Aeternus
Pater, & ex utroque procederet Divinus
Amor, ac Spiritus Sanctus. Viso hoc
mysterio, aperui oculos, ut intuerer san-
ctissimum Puerum, qui jam fuerat exper-
gefactus ex somno, & sanctum Patriar-
cham, qui ipsum gestabat in suis brachijis,
videbaturq; gravari, quasi sustineret gran-
de pondus, mirantique id mihi, dixit San-
ctus: Non est mirum, quod sit tam gra-
vis, quia suscepit in se peccata mundi; quod
pondus etiam est meum, propter amorē,
quo erga illum feror; qui enim verè dili-
git, sentit afflictiones dilecti, tanquā pro-
prias. Post hoc Sanctus Patriarcha collo-
cavit sanctissimum Puerum humi, ut sta-
ret, sicut initio: vidique ipsum subito re-
splendentem, quasi mille soles, vestes ipsius
radiabant maximā luce, atque splendore,
& sanctus Patriarcha continuo discessit,
abducens unā Puerum, cum comitatu
magnae multitudinis Angelorum cantan-
tium: *Gloria in excelsis DEO.*

¶) H(20)

C A P U T X.

De eximijs favoribus, quos illi exhibuerunt, S. Petrus Apostolus, dando ipsi quandam mysticam clavim, pro ingressu cœli, & S. Joannes Evangelista, animando eam ad patiendum, atque ad quatuor ferventes affectus, quos exercebat.

§. I.

Cum aliquando essem ve-
hementer afflita dolore
capitis, attollens oculos
animæ, conspexi Sacra-
tissimam Virginem, in-
dutam vestibus perquam
pretiosis & gloriiosis, ad cuius dextram sta-

bat gloriosus Apostolus S. Petrus, in vesti-
tu modestissimo, coloris quasi fusci, quo
repræsentabat personam magnæ authori-
tatis. Alterum latus stipabat gloriosus
Evangelista Sanctus Joannes, gerens ve-
stem, quæ referebat colorem quasi igniti-
fimarum prunarum. Et quamvis illos
nunquam viderim, tamen illuminata à
DEO, ipsos optimè agnovi. Intuebar eos

Ccc

cum